

太上洞玄靈寶消穰火災經

爾時靈寶天尊駕幸金仙壇上高德園中齋會群仙講說太上玄元無極至道忽見下方世界災火熾然比屋連覺化為炎燼森會既畢萬神森衛諸侍催班風伯清塵雨師灑道隨從

天尊度至赤明天境赤靈神君與諸火部神仙官屬羅列威儀獻百種異香丹英紫芝朱糖絳節左右布爾迎拜道前

天尊曰汝等靈分三炁位屬丹天善惡依專行何賞罰赤靈神君稽首奏曰臣奉

天命職治火官鑄育群生長養萬物歲或炎燄災變所臨氣運當然無備無忒惟是隨其善惡別以重輕欲警愚民亦行速報凡有不敬天地三光者有不孝不忠者有欺曲升斗秤尺者有惡悖情偽者有加意無狀於小民者有暴橫橫取者應一切為非不信報緣者部有司察之神遊行人間並皆記錄考驗得實即奉行天罰遣火部臨之使之自新知有省畏為善種德者飭諸神屬不令侵犯今日

有幸得觀天顏願為此方揄揚正教

天尊曰汝等咸靈赫奕號令嚴明赤炁紅光炎燄三界吾於金仙壇上高德園中見諸惡緣故度比境吾今為汝宣演神呪將以流傳於是若能改過遷善信奉經教有災之日誦此呪者汝等當為掃除罪咎令保安全如過分野之內陽九應運災感臨躡能誦此呪者汝等亦當救護我必應時開有自然止息如過火精火怪妄入人家與諸禍殃能誦此呪者汝等亦當禁制毋使害虐良民即說呪曰

南方丹天 赤靈所專 威光烈焰 施化不偏
火龍一飛 照耀無邊 火馬一躍 萬里盤旋
火鷹一迅 鼓翼無前 火鈴一撼 洪音遠宣
火瓢一發 到處生煙 火劍一下 諸魔伏虔
火索一舉 百邪自纏 火旗一動 號令肅然
火節遙指 孰敢當權 威德及物 長養生全
遵令反正 災炎灼天 鑒善不遺 削罪除愆
赤靈神君俯伏感謝而作偈曰

昔奉天尊教 稟令守炎方 今奉天尊勅 聞善降吉祥
家有天尊呪 火部不為殃

家有天尊呪 火勢息威光 家有天尊呪 火怪自潛藏
家有天尊呪 災厄自消穰 家有天尊呪 財物得阜昌
家有天尊呪 家宅保安康 家是偈已惟見法駕縹緲歸於玉京赤靈神君與諸部屬瞻仰 天光稽首奉送

太上洞玄靈寶消穰火災經